

891.71

4-83

3502

1160

Գորկի ԼԳ.

ԼԳ և Ն. Գ. և Ն. Գ. և Ն. Գ.

Թիֆլիս - 1901

թ 1901


007-5715-28

1936



20 03

1108



83  
ս  
ՍԱՔՍԻՍ ԳՕՐԿԻՑ

Մ Ի Ա Ն Գ Ա Մ

Ա Շ Ն Ա Ն Ը...

1001  
550  
Թարգմ. Ս. Շահումյանից

Թ Ի Ֆ Լ Ի Ս

4. Մարտիրոսանցի տպարան || Тип. К. Мартиросянца

Орбеліановская ул., д. № 1-2.

1901



1863

Дозволено канзурою.  
Тифлисъ, 25 мая 1901 года.





• • **Մ**ի անգամ աշնանը ես մի շատ անյարմար ու անախորժ գրութեան մէջ ընկայ: Մի օտար քաղաք էի եկել. ոչ մի ծանօթ չպատահեց, զրպանումս էլ փող չկար. և ես մնացի այդպէս առանց բնակարանի ու առանց կոպէկի:

Առաջին օրերը ես ծախեցի Հաղուստիս մի մասը, որ կարելի էր ծախել: Յետոյ ուղևորեցի դէպի նաւահանդիստը, որ գտնուում է «Գետաբերան» կոչող հեռաւոր քաղաքամասում: Նաւազնացութեան ժամանակ այնտեղ կեանքը եւում է. մարդ հեշտութեամբ կարող է իր համար գործ գտնել: Իսկ այդ ժամանակ ամեն ինչ գատարկ էր և խաղաղ, որովհետև արդէն հոկտեմբեր ամսուայ վերջերն էին:

Ես թափառում էի միայնակ դատարկ շինութիւնների ու փոքրիկ տախտակամած խանութների միջև ու հազիւ էի շարժում յոգնած ոտքերս: Աչքերս ղետնին յառած, ես ուզում էի այդ ցեխերի մէջ ուտելիքի որևէ մնացորդ գտնել և մտածում

էի միւսնոյն ժամանակ. ի՛նչ լաւ բան է կուշտ լինելը...

Քաղաքակրթութեան ներկայ պայմաններում հոգեկան քաղցր աւելի հեշտ կարելի է չազդեցնել քան մարմնականը: Գուք թափառում էք երկար փողոցներով. ձեր շուրջը բարձրանում են զեղեցիկ շինութիւններ, որոնց մասին ամենայն համարձակութեամբ կարող էք ասել, որ նրանք նոյնչափ զեղեցիկ են և ներքուստ. նոյնչափ ճաշակով ու շքեղ կահաւորւած: Այդ բոլորը կարող է ձեր մէջ քաղցր մտածմունքներ առաջ բերել ճարտարապետութեան, առողջապահութեան և էլի ուրիշ շատ մեծ-մեծ բաների մասին: Չեզ պատահում են տաք և զեղեցիկ հագնւած մարդիկ. նրանք անչափ բարի են և քաղաքաւարի. նրանք ամենայն զգուշութեամբ խոյս են տալիս ձեզանից, որպէսզի չընկատեն ձեր ցաւալի գոյութիւնը...: Ասուած վկայ, քաղցած մարդու հոգին աւելի լաւ է կերակրւում միշտ, քան կուշտ մարդու հոգին: Ահա՛ ձեզ մի դրութիւն, որից կարելի է շատ սրամիտ եզրակացութիւն դուրս բերել կուշտ մարդկանց օգտին:

...Գիշերը մօտենում էր: Անձրև էր գալիս և հիւսիսից մուսնալով փչում էր քամին: Նա կատաղի շուոց էր բարձրացնում դատարկ մնացած փայտաշէն խանութներում և ձեծում էր հիւրանոցների տախտակած պատուհանները: Գետի ալիքները նրա հարւածներից ուռչում ու փրփրում էին և կատաղի



սորազուլթեամբ, միմեանց վրայ թռչելով, շտապում, անյայտանում էին մթութեան մէջ... Կարծես, գետը զգում էր, որ ձմեռը մօտենում է, և վախեցած փախչում էր սառուցի կաշկանդող շղթաներից, որ հենց այդ գիշեր կարող էր դցել նրա վրայ հիւսիսային քամին: Երկինքը թանձր էր ու խաւար, այնտեղից անընդհատ տեղում էին անձրևի մանր հատիկներ... Քիչ հեռւում նշմարող երկու չորացած ու ծուլած ծառերը և նրանց մօտի՝ կողքի վրայ ընկած նաւակը — լրացնում, ընդգծում էին բնութեան այդ տխուր տեսարանը:

Յատակը կոտրւած, շուռ եկած նաւակ և սառը քամուց կողոպտւած, ձեծւած ու ձերացած ծառեր... Զուրջս ամեն ինչ աւերել ու անապատ է դարձել երկինքը շարունակում է սգալ, արտասուել: Մռայլ է և դատարկ ամեն ինչ: Կարծես ամեն բան իմ շուրջը սկսել է մեռնել. շուտով միմիայն ես պէտք է մնամ կենդանի, իսկ յետոյ ինձ էլ սպասում է նոյն սառը մահը...:

Այդ ժամանակ ես յՏ տարեկան էի. — երանելի ժամանակ...

Ես երկար թափառեցի սառն ու խոնաւ աւաղներով, ատամներիս կրճատոցով շատ երգեր հիւսեցի սովի ու ցրտի պատւին, և լանկարժ փոքրիկ խանութներից մէկի յետևը տեսայ մի փոքրիկ կձկւած ու գետնին կպած կանացի մարմին: Անձրևից թրջւած շորերը կպել էին նրա կուացած ուսերին:

Ես մօտեցալ նրան ու սկսեցի զիտել: Նա ձեռքով՝  
փորում էր թաց աւազր և ուզում էր, ըստ երևոյ-  
թիւն, անցք բանալ դէպի խանութի ներսը...

— Այդ ինչի համար ես փորում, հարցրի ես,  
նստելով կողքին:

Նա մի ճիչ արձակեց և վեր թռաւ: Այժմ,  
երբ նա, դիմացս կանգնած, վախեցած նայում էր  
ինձ վրայ իր լայն բացած կապոյտ աչքերով, ես տեսայ,  
որ դա իմ հասակակից մի աղջիկ է, վերին աստի-  
ճանի գրաւիչ դէմքով, որը, դժբախտաբար, զար-  
գարւած էր երեք հատ մեծ կապոյտ բծերով: Այդ  
մի փոքր փչացնում էր տպաւորութիւնը, թէ և  
կապտածները շատ կանոնաւոր էին դասաւորւած.  
մի-մի հատ հաւասար չափի աչքերի տակը և մի  
հատ ճակատի մէջտեղը: Երևում էր, որ խփող ձեռ-  
քը կատարելագործել է մարդկային դէմքեր փչացնելու  
արհեստում:

Աղջիկը նայում էր ինձ վրայ, և նրա աչքե-  
րում փայլող երկիւղը հետզհետէ մարում, ան-  
յայտանում էր...: Ահա նա աւագոտ ձեռքերը թափ  
տուեց, ուղղեց գլխի չիթ աղյուխը, կծկեց ու ասաց.

— Ինչպէս տեսնում եմ, դու էլ ես սոված...  
դէ, մի փորիւր տեսնենք... Իմ ձեռքերը յոգնել են:  
Այնտեղ, — նա գլխի շարժումով ցոյց տուեց խանու-  
թը, անպատճառ հաց կլինի, դուցէ և երշիկ:  
Այս խանութում դեռ առուտուր կայ...

Ես սկսեցի փորել. իսկ նա մի քիչ կանգնեց.

նայեց ինձ վրայ, յետոյ նստեց իմ կողքին և սկսեց օգնել...

Մենք լուռ աշխատում էինք:

Ես չեմ կարող հիմալ հաստատ ասել, յիշում էի արդեօք այդ ժամանակ քրէական օրէնքների հաստատիոր ժողովածուն. բարոյագիտութիւն, սեփականութեան իրաւունք և այլ այսպիսի բաներ, բրոնք, ինչպէս ասում են իմաստուն մարդիկ, երբէք չպէտք է մոռանալ կեանքում, ո՛չ մի դիպւածում... Արպէսզի կարելոյն չափ մօտ լինեմ ճշմարտութեանը, խօստովանում եմ ես, կարծեմ, այնքան տարւել էի փորելով, որ ամեն բան մոռացել էի, բացի... այն բանից, ինչ որ կարող էի գտնել խանութում:

Արդէն միջնում էր: Թաց ու ցուրտ խաւարը հետզհետէ թանձրանում էր իմ շուրջը: Ալիքների ազմուկը հետզհետէ խլանում էր, իսկ անձրևը աւելի ու աւելի ուժգին ծեծում էր նաւակի տախտակները... Հեռւից լսում էր գիշերապահի ճրրանի տխուր ու մեկամաղձոտ ձայնը...

— Յատակը տախտակած չի լինի արդեօք — կամաց հարցրեց ինձ իմ օգնականը: Ես չհասկացայ ինչի մասին է հարցնում և լռեցի:

— Գուցէ տախտակած է... Այդ ժամանակ մեր չարչարանքը իզուր կլինի. հողը կը փորենք, կը հասնենք տախտակներին. յետո՞յ... Աւելի լաւ է կողպէքը կոտրենք... Թոյլ կողպէք է երևում...



Լաւ մտքերը շատ սակաւ են ծագում կնոջ գլխում, բայց և այնպէս... ծագում են, ինչպէս տեսնում էք: Ես միշտ գնահատել եմ լաւ մտքերը և աշխատել եմ կարելոյն չափ օգտուել նրանցից:

Կողպէքը գտայ, քաշեցի և դուրս պոկեցի իր օղակների հետ միասին... Ընկերուհիս իսկոյն օձի պէս գալարեց ու ներս սողաց խանութը բացւած քառանկիւնի անցքով:

— Կեցցես տղայ, — բացականչեց նա ներսից:

Կնոջ մի փոքրիկ գովասանքը ինձ համար աւելի արժէ, քան տղամարդի երկար գովաբանութիւնը, կուզէք լինի այդ տղամարդը նոյն իսկ աւելի պերճախօս, քան բոլոր հին ու նոր հռետորները միասին վերցրած: Բայց այն ժամանակ տրամադրութիւնս այսքան լաւ չէր, և ես, առանց ուշադրութիւն դարձնելու ընկերուհուս սիրախօսութեան վրայ, կարճ ու վախեցած հարցրի՝

— Բան կ'այ...

Նա միապաղաղ ձայնով սկսեց թւել իր գիւտերը:

— Մի դամբիւղ... շիշերով, դատարկ տոպրակներ... մի հովանոց... մի երկաթէ դոյլ...

Գրանցից ոչ մէկը չէր կարելի ուտել:

Ես գլու՛մ էի, որ յոյսերս չքանում են:

... Բայց յանկարծ նա ուրախ բացականչեց.

— Ահա... այ որտեղ է:

— Ո՞վ

— Հացը... մի բոմբի... միայն թրջլած է, վերցրու...

Բոմբին ընկաւ ոտքերիս մօտ, իսկ քիչ յետոյ չայտնեց և ինքը յարդելի ընկերուհիս: Ես իսկոյն մաս-մաս արի հացը և սկսեցի ազահ-ազահ ուտել...

— Պէ՛ ինձ էլ տուր տեսնենք... Եւ պէտք է այտտեղից հեռանալ... ո՛ւր գնանք..

Նա ուշադրութեամբ նայեց չորս կողմը:

— Ա՛յ ինչ որ նաւակ է երևում, գնանք, նրա տակը նստենք:

— Գնանք:

Եւ մենք ուղևորեցինք դէպի նաւակը: Երկուսս էլ ազահութեամբ լափում էինք մեր աւարը: Գետը մանչում էր, անձրևը հետզհետէ մեծանում... Մի ինչոր տեղից երկնք ու սուր շուռց էր լուում. կարծես մէկը, ինչոր հղօր ու ոչ ոքից չվախեցող մի էակ սուլում ու ծաղրում էր մեր աշխարհի կարգերը, այդ անպիտան աշնանային երեկոն և մեզ՝ այդ երեկոյի երկու հերոսներին. .: Սիրտս կծկւում ու նւում էր այդ շուռցից: Այնուամենայնիւ ես մեծ ախորժակով ուտում էի հացը: Քարեկամուհիս չես չէր մնում ինձանից, և մենք այդպէս մօտենում էինք նաւակին:

— Անունդ ի՛նչ է,— չգիտեմ ինչու հարցրի ես:

— Նատաշա, - պատասխանեց նա անտարբեր եղանակով:

Ես նայեցի նրան և սաստիկ ցաւ զգացի



սրտիս մէջ: Յետոյ Հայեացքս ուղղեցի դէպի իմ առաջ  
ընկած մթութիւնը, և ինձ թւաց, որ բախտիս միշտ  
Հեգնտա ու այլանդակ դէմքը խորհուրդաւոր կեր-  
պով նայում է ինձ ու ժպտում...

...Անձրևը շարունակում էր ծեծել նաւակի  
կողերը, և նրա մեղմ շփշփոցը տխուր մտածմունք-  
ներ էր առաջացնում իմ մէջ: Քամին շուտով ներս  
էր խուժում յատակի մի ճեղքից, որտեղ մի փոքրիկ  
տաշեղ, քամու շնորհիւ, շարունակ ինչ որ անհան-  
գիստ ու ողբալի ձայներ էր հանում: Գետի ալիք-  
ները ճողբում էին ափերը և նոյնպէս ողբալի ու  
յուսակտուր ձայներ հանում: Նրանք կարծես մի  
ինչոր բան էին պատմում, որ վաղուց ձանձրացրել,  
զղւեցրել է նրանց, մի սրտամաշուկ բան, որից  
նրանք կուզենային փախչել, բայց որի մասին դեռ ան-  
հրաժեշտ է երկար խօսել, պատմել... Անձրևի շփշփո-  
ցը միանում էր ալիքների աղմուկի հետ, և նաւակի  
շուրջը, գորշ մթութեան մէջ, մի երկնր հառաչ էր  
լսւում. դա՛ բնութեան անմիտ կատակներից զղւած,  
ամառայ ու աշնան, տաքի ու ցրտի, արևի ու  
անձրևի անվերջ փոփոխութիւններից նեղացած ու  
յոզնած՝ ծերուկ-երկրագնդի երկնր ու ծանր հառաչն  
էր...: Քամին էլ իր շառաչիւնով տխուր, յուսահատ  
երգեր էր յօրինում ու տարածում գետի ալիքների  
ու նրա սև ու անբնակ ափերի վրայ...

Մեր տեղը, նաւակի տակը, գուրկ էր յարմա-  
րութիւններից. նեղածք էր և խոնաւ. կոտրւած

յատակից մեզ դիպչում էին անձրևի ցուրտ կաթիլները. քամին անտանելի էր: Մենք լուռ նստել, դողում էինք: Յոգնածութիւնից աչքերս փակւում էին: Նատաշան մէջքը դէմ էր տւել նաւակի կողին և կուչ եկել, մի փոքրիկ գունդ էր դարձել: Ծնկները ձեռքերով գրկած ու կզակը լինած նրանց վրայ, նա անթարթ նայում էր գետի կողմը, և նրա մեծ ու լայն բացած աչքերը աւելի ևս մեծ էին երևում իրանց տակի կապտածների շնորհիւ: Նա բոլորովին չէր շարժւում, և այդ անշարժութիւնն ու լուռութիւնը, — զգում էի, — կամաց-կամաց ինչ որ ահ էր գցում սրտիս մէջ. ես վախենում էի իմ հարևանուհուց .. Ուզում էի խօսել նրա հետ, բայց չըզգիտէի ինչպէս սկսեմ:

Նա ինքը խօսեց:

— Ա՛խ, անիծեալ կեանք... — պարզ ու որոշ արտասանեց նա:

Եւ այդ գանգատ չէր բախտից: Նրա ձայնի մէջ այնքան անտարբերութիւն կար, որ չէր կարելի ասածը գանգատի տեղ ընդունել: Երևում էր, որ մարդ ուղղակի մտածել է կեանքի մասին, և եկել է մի որոշ եզրակացութեան, որ և յայտնում է այժմ. և որին ես չէի կարող պատասխանել առանց կեղծելու, առանց հակասելու ինձ: Ես լուռ էի. իսկ նա կարծես իսկի չէր էլ նկատում ինձ, առաջւալ պէս անշարժ նստած էր:

— Մարդ չի էլ սատկում, պրճնի... նորից

խօսեց Նատաշան. այս անգամ կամաց և մտազրադ: Եւ դարձեալ զանգատի ոչ մի նշոյլ: Գարձեալ երևում էր, որ մարդ մտածել է կեանքի մասին, նայել է իր վրայ և Հանգիստ Հոգով եկել է այն եղբակացութեան, որ իր անձը կեանքի ծաղրից ու կատակներից ազատելու համար նա մի բան միայն կարող է անել՝ «սատկել»...

Մտքի այդ չափ ճշտութիւնը և պարզութիւնը սիրտս լցրեց անասելի ցաւով ու զգւանքով, և ես զգում էի, որ, եթէ շարունակեմ լռել, լաց պէտք է լինեմ... Իսկ այդ ամօթ կլինելու մի կնոջ առջև. մանաւանդ որ նա ինքը ահա լաց չէր լինում: Ես վճռեցի խօսել:

—Ո՞վ է թակել քեզ,—հարցրի ես, որովհետև չկարողացայ ուրիշ, աւելի մարդաւարի խօսք գտնել:

—Պաշկէն, ուրիշ ո՞վ պիտի լինի,—պարզ ու հանգիստ պատասխանեց նա:

—Պաշկէն ո՞վ է:

—Իմ սիրեկանը... մի հացթուխ:

—Ձատ է ծեծում քեզ...

—Ձատ... ամեն հարբելուս ծեծում է: Եւ չանկարծ նա աւելի մօտեցաւ ինձ ու սկսեց Պաշկի, իր և իրանց հարաբերութիւնների մասին երկնի պատմութիւն անել: Ինքը «փողոցն ընկած աղջկերանցից է, որոնք... և այլն», իսկ նա մի շէկ բեղերով, լաւ դարմօն ածող երիտասարդ է: Նա չաճախ այցելելուս է եղել «հասարակաց տունը» և իր ուրախ



բնաւորութեամբ ու գեղեցիկ շորերով, իր «գարսովի» կոշիկներով ու 15 բուբլիանոց վերարկույով, գրաւել է Նատաշայի սիրտը: Այդ ժամանակահատից Պաշկէն սկսել է մշտապէս «նիսիա օգտուել»... և երբ հաստատուել է այդ դերում, սովորութիւն է դարձրել իր համար վերցնել Նատաշայից այն փողերը, որ ուրիշ հիւրերը առանձին տալիս են եղել նրան իբրև նւէր, հարբել այդ փողերով և յետոյ դալ ծեծել Նատաշային...: Բայց այդ դեռ ոչինչ. նա սկսել էր Նատաշի առաջ «բարձր փոխել», ուրիշ աղջկերանց հետևից ընկնել...

— Գէ դու աստ, սրտիս չէր դիպչի այդ... Ուրիշներից ես ինչով եմ պակաս...: Նշանակում է ես նրա համար իրազալիք էի, ծաղրի առարկայ... ստոր արարած: Անցեալ օրը իրաւունք վերցրի խաղեայկից, որ գնամ զբօսնելու. եկայ նրա մօտ, տեսնեմ Գունկէն հարբած-տրաքւած նստած է նրասենեակում: Ինքն էլ ի հարկէ հարբած էր: Ասում եմ «այ ստոր արարած, ստոր, խաբեբայ...» Նա վրա ընկաւ ինձ ու սկսեց ծեծել. ինչ մագերից քաշ տալ յատակի վրայ, ինչ ոտքերի տակ զցել, ջարդել... մի սաղ տեղ չ[թողեց...: Եւ այդ դեռ էլի ոչինչ, շորերս ամբողջովին պատառոտեց... Ահա, նայիր սրանց: Հիմայ ես որ քարովը տամ զլուխս, ինչպէս երեւամ խաղեայկին: Բոլորը պատառոտեց, շորերս էլ, թիկնոցս էլ... բոլորովին նոր էր թիկնոցս հինդ բուբլի էին տուել... զլխիս կապոցն էլ սրկեց...

Ախ, Աստուած, Հիմա՛յ ես ինչ անեմ, - վայ տւեց նա յանկարծ վշտացած ու խեղդող ձայնով:

Վայ էր տալիս նոյնպէս Հետզհետէ սաստկացող քամին... Ատամներս նորից սկսեցին պար դալ: Նա էլ կուչ էր դալիս ցրտից և արդէն այնքան մօտեցել էր ինձ, որ ես կարողանում էի մթութեան մէջ տեսնել նրա փայլող աչքերը:

— Ինչ գարշելի բաներ էք բոլոր տղամարդիկդ, խօսեց նա նորից: Ոտքերիս տակը կը գցէի ձեզ բոլորիդ... Որ մէկը առաջիս սատկելուս լինէր ձեզանից, երեսին կըթքէի, չէի խղճայ... կեղտոտ խոզեր...: Վնգստում էք, վնգստում, պոչներդ ժաժ տալիս շան նման, և հենց որ ինձ պէս մի անխելքը ձեռքներդ կնկնի, պատրաստ էք իսկոյն ոտնատակ տալ... գճուճ անասուններ...:

Նրա հայհոյանքները շատ պէս-պէս էին, բայց ոյժ չկար մէջները. ո՛չ բարկութիւն և ո՛չ ատելութիւն դէպի այդ «գճուճ անասունները»: Ընդհանրապէս նրա խօսակցութեան տոնը շատ հանգիստ էր, բոլորովին չէր համապատասխանում առածների մտքին և շատ աղքատ էր ձայնի ելևէջներով:

Բայց և այնպէս այդ ինձ վրայ աւելի էր ազդում, քան մինչև այդ ժամանակ իմ լսած բոլոր հոռետեսական ճառերն ու կարդացաց գրքերը: Այդպէս է. մեռնողի մի ճիզը աւելի բնական է, աւելի ուժեղ ու ցնցող, քան մահւան ամենազեղարւեստական ու ամենաստոյգ նկարագրութիւնը:



Սիրտս շատ վատ էր. գուցէ աւելի ցրտից, քան թէ Հարևանուհու ճառերից: Ես ակամայից մի ծանր ու երկար տնքոց արձակեցի ու ատամներս կրճտացրի:

Հենց նոյն վայրկեանին երկու ձեռք փաթաթւեցին զլիսովս, և ես լսեցի մի քաղցր ու մեղմ կարեկցութեամբ հնչող ձայն.

— Հա՛, ինչ պատահեց քեզ...

Ես պատրաստ էի ենթադրել, որ այդ հարցը տալիս է ինձ ոչ թէ Նատաշան, որը մի բոպէ առաջ բոլոր տղա մարդկանց զարշելի արարածներ յայտարարեց, ու այնքան հայհոյեց բոլորին. — ալ մի ուրիշը. բայց նա նորից սկսեց խօսել. և այս անգամ աւելի շուտ-շուտ:

— Ի՞նչ կայ, Հա՛. հօ չես մըսում. սառել ես, ... այ անպիտան, նստել ես ու լռել. ինչո՞ւ չէիր ասում, որ մըսում ես: Դէ պառկիր, ձգւիր... ես էլ կպառկիմ: Հա՛, այսպէս. հիմայ գրկիր ինձ, լաւ գրկիր: Տեսնում ես, ինչ լաւ է. յիտոյ մէջք մէջքի կպառկենք, այսպէս գիշերը կանցնի... Երևի գինու ես տուել զլուխդ... թէ՛ տեղից դուրս են արել... Բան չկայ...

Նա ինձ միւրիթարում էր, սիրտ էր տալիս:

Օ՛, երիցս անգամ նզովեալ լինեմ ես: Ո՛րպիսի հեղձութիւն կեանքի կողմից: Երևակայեցէք. այդ ժամանակ ես ամենալուրջ կերպով զբաղած էի մարդկութեան ապագայի խնդրով. ես երազում էի

սօցիալական, բարենորոգումների, քաղաքական մեծ-  
 մեծ յեղափոխութիւնների մասին. խորը-խորը գրքեր  
 էի կարդում, որոնց մէջ յայտնած մտքերը, թւում  
 էր, չեն կարողանում լաւ ընթանել նոյն իսկ իրանք  
 Հեղինակները...: Ես պատրաստում էի մի «խոշոր  
 ներգործող-հասարակական ոյժ» դառնալ, և ինձ  
 թւում էր, որ մասամբ արդէն հասել եմ իմ նպատա-  
 կին: Յամենայն դէպս այդ ժամանակները ես երևա-  
 կայում էի, որ ես մի բացառիկ իրաւունք ունիմ  
 ապրելու, որպէս կեանքի համար մի անհրաժեշտ  
 մեծութիւն, որպէս պատմութեան մէջ խոշոր դեր  
 կատարելու ընդունակ մի մարդ...

Եւ ինձ էր, որ տաքացնում էր իր մարմնով  
 մի պատիւը ծախած կին, մի անբախտ, ջարդած  
 ու տրորած էակ, որը ոչ տեղ ունի կեանքում, ոչ  
 գին. և որին ես դիտի չնկայօզներու, այն ինչ  
 ինքը ինձ ահա օգնում էր... Իսկ եթէ գլխի էլ  
 ընկնէի, հազիւ թէ կարողանայի որ և է կերպով  
 օգնէլ նրան...

Ա՛խ, ես կուզէի, որ այդ բոլորը մի երազ լի-  
 նէր, մի լիմար ու ճնշող երազ...

Քայց, աւա՛ղ.. Անձրևի ցուրտ կաթիլները շա-  
 բունակում էին թափել ինձ վրա. կուրծքս կպած էր  
 մի ուրիշ տաք կրծքի, երես շոյում էր նրա տաք  
 շնչառութիւնը... մի ողեշունչ, բայց այնքան կեն-  
 փանարար...

Քամին ոռնում ու հեւում էր, անձրևը ձեծում

էր նաւակի տախտակները, այիքները Հեռւմ որ  
ազմկում էին: Մենք կպել էինք միմեանց, բայց  
դարձեալ դողում էինք ցրտից: Եւ այդ բոլորը...  
իրականութիւն էր

Իսկ Նատաշան դեռ ինչ որ խօսում էր, և  
այնպիսի քաղցր ու կարեկից ձայնով, ինչպէս մի-  
այն կանայք կարող են խօսել: Այդ գզուղ ու շոյող  
խօսքերից կրճքիս տակ մի ինչ որ տաքութիւն  
առաջացաւ, և այդ տաքութիւնից մի ծանր բան  
հալւեց ու ընկաւ սրտիս վրայից: Այդ ժամանակ  
արտասուքի մի հեղեղ թափւեց իմ աչքերից, որը  
սրբեց, տարաւ այն բոլոր կեղտը, վիշտն ու չարու-  
թիւնը, որով լցւել էր սիրտս այդ գիշերուայ ըն-  
թացքում...

Իսկ Նատաշան խօսում, համոզում էր ինձ.

— Իէ, բաւական է, սիրելիս, ինչքան լաց լի-  
նես. բաւական է: Աստծով, ամեն բան կանցնի,  
կըլաւանաս, նոր գործ կը գտնես. . բոլորը կանցնի...

Եւ շարունակ համբուրում էր ինձ... Համբու-  
րում էր անթիւ, անհամար ու ջերմ համբույրներով...

Այդ առաջին կնոջ համբույրներն էին, որ մա-  
տուցանում էր ինձ կեանքը, և, պէտքէ աւելացնել,  
այդ ամենալաւ համբույրներն էին իմ կեանքում,  
որովհետև բոլոր մնացածները ոչինչ չէին տալիս իմ  
հոգուն, չնայած որ շատ ու շատ աւելի թանգ էին  
նստում ինձ...

— Իէ սո՛ւս ասում եմ... Ես վաղը քեզ



Համար մի տեղ կանեմ, դորձ կը ճարեմ.. ,— կարծես  
երազում, լսում էի նրա քաղցր շշուռնը:

...Մինչև լոյս մենք այդպէս զրկւած, պառ-  
կած էինք:

Իսկ երբ որ լուսացաւ, դուրս եկանք նաւակի  
տակից և գնացինք քաղաք... Յետոյ բարեկամաբար  
բաժանուեցինք միմեանցից...

Դրանից լետոյ ես այլևս երբէք չեմ պատահել  
Նատաշին, թէև ամբողջ մի կէս տարի փնտռել  
եմ նրան քաղաքի բոլոր մութ խորշերում... Նրան,  
իմ աննման Նատաշին, որի հետ ես անց կացրի  
այդ գիշերը, մի անգամ աշնանը...

Եթէ նա մեռել է արդէն, որ շատ լաւ կլինէր  
նրա համար, — թող հանգչին հանդիստ նրա ոսկորնե-  
րը. իսկ եթէ դեռ կենդանի է, խաղաղութիւն նրա  
տանջւող հոգուն. և թող երբէք նրա մէջ չարթնա-  
նայ իր անկման գիտակցութիւնը... որովհետև այլ  
կլինէր նրա համար մի նոր, աւելորդ ու անպտույ  
տանջանք...









3502

2018

